



# kā-kitimahihcik kihtē-ayak wihtamākēwina

## kīkway anima kā-kitimahihcik kihtē-ayak

- kā-kitimahihcik kihtē-ayak anima māna kispīn kihtē-aya kā-mayi-paminiht ēkwa āhpō ka-māyitotāht āhpō namōya kwayask kā-nākitēyimiht.
- kā-kitimahiht kihtē-aya anima pā-pītos-isitocikātēw tāpiskōc, sōniyāsa kā-wāwayisimiht, kā-pāpakamahoht, kā-kākitimākimiht ahpo kā-māmostācihkātiht ayahk māna ayiwāk pēyak kīkway ōhi ē-ispayiniwa kā-kitimahiht kihtē-aya.

## awīna aniki kā-kitimahihcik?

- pokwāwīyak tahto kihtē-aya nāpēwak āhpō iskwēwak, pāpītos ayisiyiniwak, tānikohk ē-sonīyahkēcik, ēkwa tānikohk iskohk ē-kiskinwahamācīk kā-kitimahāwak.
- namōya mistahi astēw ē-masinahamihk kā-kitimahihcik kihtē-aya ōta Canada ēkwa mina ohpimē misiwē askīhk. osām namōya wihcikātēw nayistaw ōma kākitimahihcik. māka kī-miskātēw ē-kīmasinahikātēk nanitaw nēwo isko ayinānēw percent ē-kā-kitimahihcik ōki kahkīyaw kihtē-ayak.
- osām ē-nīpīyosicik māna askaw nakinikowak kihtē-ayak ka-wihtahkīk kā-kitimahihcik. āksaw māna aniki kā-kitimahihcik namōya soskwāc kī-wihtamwak kīkway. kīspin ana kā-kitimahiht kaskīhtāw ahpo namōya, namōya ētikwē nohtē-wihtamwak osām ē-kostācīk āhpō ē-kitimākēmācīk anihī kā-kitimāhikocīk. āhpō namōya ē-nistohtahkīk āhpō namōya ē-mowēyihthahkīk kīkway, namōya āhpō ē-kiskēyihthahkīk tānisi ta-itotahkīk āhpō ē-itēyihthahkīk sōskwāc kwānta āhpō kīyām ē-kitimahihcik.

## awīna aniki kā-kitimahācīk kihtē-aya

- aniki kā-kitimahācīk kihtē-aya māna kiskēyimīwak anihī kihtē-aya, owītisāniwāwa, owīcēwākanīwāwa, anihī kā-kanawēyimikocīk āhpō kā-kīsi-ohpikīyēt ocawāsīmisowāwa. nānitaw nīsitanaw ayiwāk nīyānan percent kā-kitimahācīk kihtē-aya māna ēkwanīkī owītisāniwāwa, āhpō anihī kā-wīkimācīk āhpō anihī ocawāsīmisowāwa kā-kīsi-ohpikīyēt.
- aniki mīna māna kā-kitimahācīk kihtē-aya tāpiskōc owīcīwākanīwāwa, cīkīhk ita ayisiyiniwa kā-wīkicīk, aniki kā-kanawēyimikocīk, kā-pimi-tipahamāhck ita kā-wīkicīk kihtē-ayak, ēkwa anihī ayisiyiniwak kā-pimipayihkocīk, ēkwa anihī kā-itēyihthahkīk kihtē-ayak namōya kā-mayitōtākocīk.

## tānisi kā-kī-isikiskēyihthēn ē-kitimahihcik kihtē-aya?

- tāpiskōc māna kotakak kā-kitimahihcik pēyakoskāniwinihk, kā-kitimahihcik kihtē-ayak mitoni mihcēt kīkway ispayin māna. aniki kā-kitimahācīk kihtē-aya ēkwa anihī kā-kitimahihcik pā-pītos ispahikowak tānisi anima kitimahikēwin ē-ispayik.
- ka-kitimahāw kihtē-aya kīspin: āsay owīkimākana pēci-nāway pē-kitimahikowak, tānisi peyakoskāniwinihk ē-isi-waskawīcīk, osām mina ita kā-pēyako-wīkīhk, owītisāniwāwa namōya kwaysk ē-isāyāyit, owīcīwākanīwāwa āhpō ita cīkīhk ayisiyiniwa ē-wīkiyit, nāmoya kwayask ē-kaskīhtāhk ta-kanawēyimiht kihtē-aya, ita kā-kanawēyimiht kihtē-ayawīkamīhkohk, namōya ē-kiskēyihthamīhk tānisi ē-ispayik kā-ati-kihtēyayowīhk ēkwa namōya ē-isi-kiskēyihthamīhk tānisi ka-itotamīhk, ēkwa mayi-itotātowin namōya nanitaw kā-itēyihthamīhk.



- kisēyihākwan ē-kitimahiht kihtē-aya kīspin: wānihtam kihtē-aya, pakwātam kihtē-aya, ē-pāpakisit ahpō ē-wāwēyiskēyihahk nānitaw kihtē-aya ēkwa namōya ē-kiskēyihamihk tānitē ē-ohcipayiniyik, namōya kwayask ē-pamihisot kihtē-aya, ē-kahkostāt pītos ayisiyiniwa, ēkwa ēkostahk sōniyāwa ta-ayimomāt.

## tānisi nika-itotēn kīspin nikitimahikawin?

- **kīspin wēspanātan ita kā-ayayin mitoni.** itohtē nānitaw namōya ē-wēspanātahk tāpiskōc awiyak cikihk kikihk ē-kiskēyimat, kiwīcēwākan ahpō kītisān. atāwēwikamikohk pihtikwē ēkwa kakwēcihkēmo ta-itohtahikawīyan itē kā-nakatohkēhk ayisiyiniwak kā-kitimahihcik. kīspin namōya kikaskihon ta-wayawīyan kikihk 911 isi pikiskwē.
- **misihkēmo wiyasowēwin āpacihtā.** namōya mīwāsīn ōma pā-pītos kā-kitimāhiht ayisiyiniw. ātiht nāmōya pakitinikātēwa, kakī-misiho awiyak. kākī-sākaskinahcikān wiyasowēwikamikohk ta-pōnihkāsik ana kā-kahkitimahisk.
- **wihtamaw awiyak mitoni kwayask ē-kiskēyimat.** pikiswās awiyak ē-kiskēyimat kwayask, tāpiskōc kiwīcēwākan, kītisān, maskihkēwiskwēw, ana kā-nakatohkawāt kihtē-aya ocacoskēs, ahpō awiyak itē kā-āyimihāyan, ahpō maskihkīwīyiniw.
- **masinaha anima kīkway kā-ispayik.** masinaha anima kīkway kā-ispayik tahto kīsikāw. ka-wīchikon ēkoma ka-wihtaman tānispīhk ē-kākitimahikawīyan nitawēyihamani.
- **ēkāwīya atāmēmiso. kiskēyihata namōya kīya kitocikan ēkwa awiyak kākī-wīchihik. kakwēcihkēmo ta-wīchikawīyan ēkama anima kīya kitocikan.** mihcēt ayisiyiniwak ita kā-wīkiyan nitawēyihamwak ta-miwyāyāyan ēkwa ta-miyo-paminikawīyan.

## awīna nikākī-pikiskwātaw kīspin ē-kitimahikawīyan ahpō itēyihamāni kihtē-aya ē-kākitimahihk?

- ōhi kā-masinahikātēki kākī-pēkiskwān isi.
- kīspin awiyak kā-kitimahāw ēkwa wēspanātan sēmāk 911 kākī-isipēkiskwēw.
- Family Violence Info Line 310-1818 wihtamākēwin nohtē-kiskēyihamani astēw ahpō nohtē-kiskēyihamani itē ta-isi-pikiskwēyan. ka-pēkīsik ēkwa ka-pētipisk kākī-pēkiskwān namōya kikway ka-tipahikēyan ta-isi-pikiskwēyan.
- Safeguards for Vulnerable Adults Information and Reporting Line at 1-888-357-9339 .
- (namōya ta-tipahamihk) ta-wihtamihk ē-kitimahihk ayisiyiniw itē ē-tipahikēstamaht ē-kanawēyimiht (Protection for Persons in Care); misihkimikēmowina itē kā-kanawēyimihcik kihtē-ayak kinwēs wiyasowēwina.
- (Accommodation Standards): ahpō ana tānisi ē-itahkamikisit kā-wīci-wiyasowēt, kā-kanawēyimāt ana ayisiyiniw kihtē-aya ahpō sōniyāwa kā-pimipitamawāt ayisiyiniw. (*Office of the Public Guardian*);
- wihtamākēwina astēwa kā-kitimahihcik kihtē-aya anita Alberta Seniors and Community Supports website [www.seniors.alberta.ca](http://www.seniors.alberta.ca).
- Alberta Elder Abuse Awareness Network website astēwa wihtamakēwina ēkwa kīkwaya ta-kiskēyihamihk ōma kā-kitimahihcik kihtē-ayak ta-wīchihikocik ayisiyiniwak kā-wīcatoskēmācik kihtē-aya alberta ohci. kīyohkāta [www.albertaelderabuse.ca](http://www.albertaelderabuse.ca).